

同安縣志卷之二十七

思明州開府人物類錄

明季諸王諸臣舊志列諸流寓嘗考王軒山西通志不列流寓一門以前人例無列傳且字義殊不典切如詩旄邱章黎侯失國而寓於衛即其例也然係此國寓彼國之詞耳若寧靖王魯王延平郡王固依然守明之疆土也考丁大任永歷紀事云永歷所屬國尚有雲南全省廣西七府四川半省湖廣小半省安南烏蠻占城羅甸普里五溪牂柯諸地則當時延平郡王之遙奉正朔仍在明之疆域安得以流寓目之如以此為流寓則宋高宗避金難而都臨安亦將謂之流寓乎春秋昭公出亡每書公在乾侯言其在所管轄地也延平郡王與明諸王在思明開府癸卯甲辰以前猶屬有明疆土清初遷民畫界尚未取金廈二島而有之則以諸王之在思明州比之公在乾侯之例似不為過嗟夫成都破始書漢亡厓山覆始書宋亡則永歷正朔奉命之日即明祚未墟之日也康熙戊子邑受屠城之慘以數萬之生靈為存明之價格吾同前事志乘有光矣讀康熙朝上諭云鄭成功明之蓋臣非朕之亂臣賊子洵正論也邑乘全省志目分三十七門而明諸王諸臣無

同安縣志

卷之二十七

思明州人物錄

所繫屬且較之前代節義尤為剗格完人志書與正史不同茲特別為類錄以冠諸人物錄之首按史記諸王宜入世家志非史也未便遵照史例故別為類錄以明之

思明州明季諸王事略

寧靖公術桂

魯王以海

延平郡王朱成功原姓鄭

明季諸臣類錄

按諸臣宜入列傳因明諸遺老多由他省而來非本籍且縣志非史故仍仿用類錄例

沈宸荃

涂伯案弟仲吉附

陳士京

姚翼明

張正聲

林蘭友

謝元忭

許璟

曾櫻

陳泰

諸葛倬

許吉璟附林其昌黃維樾潘廣鐘

馮澄世

王忠孝

徐孚遠

張煌言

任穎眉

任廷貴

陳駿音

沈光文

程應璠

萬年英

劉子葵

陳昆亨

黃事忠

吳鍾巒

鄭道謙

鄭道儉

路振飛

曾世袁

周金湯

黃驥陞

洪思

張若化

思明州諸王事略

寧靖王名術桂字天球別號一元子明太祖九世孫遼王後也始授輔國將軍崇禎十五年寇破荊州術桂偕惠王及宗室避湖中十七年北京破帝殉社稷福王在南京改元宏光術桂與兄長陽王入朝進鎮國將軍令隨長陽守寧海翌年夏浙西復亡長陽率眷入閩時鄭遵謙從紹興迎魯王監國未知長陽存沒乃以術桂襲封既而鄭芝龍保閩尊唐王爲帝改元隆武術桂奉表賀帝亦加監國封嗣聞其兄尙在已襲封遼王乃具疏請以長陽之號讓兄子不許改封寧靖王仍依監國督方國安軍五月清兵渡錢塘術桂奔寧海監國亦自海門來會同至舟山十一月鄭彩率舟師迎偕監國南下歲暮抵廈門而帝已陷汀州芝龍亦降清去當是時芝龍子成功起師安平進泊鼓浪嶼鄭鴻逵亦迎准王軍請術桂監其師遂會成功伐泉州不克而還鴻逵載准王至南澳術桂從焉先是粵東故將李成棟奉桂王子卽位肇慶改元永歷術桂入揭陽帝令居鴻逵軍中二年春復命兼督成功師四年冬粵事潰越年與鴻逵還閩駐金門是時成功已開府思明禮待避亂宗室術桂遂居兩島成功待以王禮十八年春三月經奉術桂渡臺術桂狀貌

同安縣志

卷之二十七

思明州人物錄二

魁偉美鬚眉善文學書尤瘦勁承天寺匾額多所題至今寶之三十二年聞降將施琅請伐臺鄭氏諸將無設備輒暗自痛哭三十七年夏六月清兵破澎湖克塽議降術桂以天潢貴胄義不可辱召姬妾而告曰孤不德顛沛海外冀保餘年以見先帝先王於地下今大事已去孤死有日若輩幼艾可自計也皆泣對曰殿下既能全節妾等寧甘失身王生俱生王死俱死遂冠笄被服縊是月二十有六日也於是術桂作絕命詞有宗社有名留史冊夜臺無愧見君親之句遂自縊死年

六十有六歲

臺灣通史
舊志合參

魯王以海字巨川明太祖十世孫崇禎甲申襲封魯王乙酉南都破浙東諸臣方國安熊若霖輩奉王舉兵稱監國清兵渡錢塘國安兵潰紹興不守王遁跡至金門鄭成功以客禮待之未幾薨於金門年四十五歲遺臣王忠孝盧若騰輩爲葬湖上年久碑沒道光間鄉人訪得之爲請興泉永道周凱刻石其上

按青浦楊采南三藩紀事本末言鄭成功奉王居金門初至禮待甚厚既益懈王積不能平成功銜之未幾王將往南澳成功使人沈之海中清綱鑑輯覽所紀事實亦同此傳聞之誤也鄭成功開府思明卽明季遺老亦禮待周至何况

親王當時如王忠孝盧若騰輩皆忠義之士即寧靖王瀘溪王亦時在左右曾謂成功方以大義號召天下而肯以此失諸王諸臣之心耶况成功先以海卒謂為沈海益屬誣傳今考金門志所載魯王以海墓在湖上則沈海之訛說尤

不辨自明矣按周凱監國魯王墓考云據阮文錫夕陽寮集謂王薨於金門成

功令兵部侍郎王忠孝禮葬於後浦亭據沈旭海濱集及詩序則謂王薨

海上見錄所載並同卒後且謂諸臣議復奉王監國故即葬焉引張言蒼

於壬寅冬十一月在成既卒後且謂諸臣議復奉王監國故即葬焉引張言蒼

水集與盧牧洲書以成既卒後且謂諸臣議復奉王監國故即葬焉引張言蒼

據節陸榮野史訛傳成既卒後且謂諸臣議復奉王監國故即葬焉引張言蒼

以釋羣疑鄭氏之外史諸書與王阮唱和臺灣庚子且言魯王墓疑未嘗至

居臺灣疑鄭氏之外史諸書與王阮唱和臺灣庚子且言魯王墓疑未嘗至

處諸臣尊宗亦稱魯王并疑復奉臺灣庚子且言魯王墓疑未嘗至

創而辨王之未東寧為較確然復何臺灣庚子且言魯王墓疑未嘗至

霍子濩年閩書載五素疾王所嘗一月地又盧若騰洲噫生萬歷戊午五月

少壽紀許國阮夕寅遁夏跡泰山高壽必及聞見之則寅月當渡可據取時

其詩與續閩書誕日丑符三有克則說為是癸卯辰牧之靖王諸子

功之攻臺斷無挾王襲位二島將破之時當在癸卯辰牧之靖王諸子

勝負未卜皆在鄭經襲位二島將破之時當在癸卯辰牧之靖王諸子

之渡臺也皆在鄭經襲位二島將破之時當在癸卯辰牧之靖王諸子

日金門也又紀許國是蓋當日壽王離不載年而續閩書并詳故所載亦

同安縣志

卷之二十七

思明州人物錄三

異詞而墓在金門後浦則無疑焉今墓前有鼓岡湖廣四十餘丈湖南多石鑄
王手書漢影雲根四字並鐫從亡諸公題詠其為王嘗游處又似可信附島噫
集廬若騰泰山高詩壬寅仲夏壽王也泰山高羣嶽之長帝所褒春來煙霧
相虧蔽叢薄時聞狐虎嗥風景一至朱明盛碧空澄霧妖獸逃五十餘盤天孫
座俯臨萬象見三秋十度索洲桃島花尺召集開泰山之高莫瑋人
酌流霞杯薦以三十度索洲桃島花尺召集開泰山之高莫瑋人

延平郡王鄭成功福建南安縣石井人初名森父芝龍娶日本士人女田川氏以天

啟四年七月十四日誕於千里濱是夜萬火齊明遠近異之數歲芝龍與顏思齊

黨中為盜居臺灣往來閩粵之間朝議招撫未久而去崇禎元年乃率所部降於

督師熊文燦三年以平粵盜征生黎焚荷蘭收劉香功遷都督於是成功在日本

已七歲矣芝龍屢使人請之不能得已而歸焉成功豐儀整秀倜儻有大志每東

向而望其母常為季父芝豹所屈叔父鴻逵獨偉視焉讀書穎敏而不治章句先

輩王觀光一見謂芝龍曰是兒英物非爾所及也年十五補博士弟子員試高等

食餼二十歲聞虞山錢謙益之名執贄求學謙益字之曰大木金陵有術士相之

曰此奇男子骨相非凡命世雄才非科甲者比北京既陷福王立江左改元宏光

封芝龍南安伯鴻逵靖西伯二年唐王即位福京改元隆武晉芝龍平西侯鴻逵

定西侯俱加大師已而成功陞見帝奇之撫其背曰惜無一女配卿卿當盡忠吾

家毋相忘也因賜姓朱改名成功字明儼封御營中軍都督賜尙方劍儀同駙馬自是中外皆稱國姓云是年日本送歸其母芝龍以擁立非本意日與文臣忤一日成功見帝愁坐跪奏曰陛下鬱鬱不樂得無以臣父有異志耶臣受國厚恩義不反顧臣以死捍陛下矣及兩浙破關門不戒促芝龍出師駐不發三年六月封成功忠孝伯八月帝親征駐建寧武毅伯施福撤關兵歸駕陷汀州成功南潰清軍猝入泉州田川氏死焉芝龍退保安平軍容甚盛猶豫未敢迎師清貝勒博洛遣人招之大喜召成功計事成功泣諫不從遂進降表至福州博洛挾以俱北成功雖遇主列爵實未嘗一日與兵權意氣狀貌猶儒書也既力諫不聽又痛母死非命悲歌慷慨謀起師攜所着儒巾襪衫赴文廟焚之四拜先師曰昔爲孺子今作孤臣向背棄留各有作用謹謝儒服唯先師鑒之高揖出揚旗紜旅聲淚併俱與所善陳輝張進施琅陳霸施顯洪旭等願從者九十餘人乘二巨艦斷纜行收兵南澳得數千人文移稱忠孝伯招討大將軍罪臣國姓時年二十有三也翌年遙聞永明王卽位肇慶改元永歷則奉朔提師歸自南澳舊衆稍集時廈門金門爲鄭彩及弟聯所踞乃泊鼓浪嶼與廈門隔帶水廈門者中左所也金門者浯州

同安縣志

卷之二十七

思明州人物錄四

也隸同安爲兩島七月會鄭彩兄弟伐海澄不克而還八月與鴻逵合攻泉州敗清提督趙國佐於桃花山追至城下清軍來援成功回島鴻逵艤舟泉港所在起應二年春帝在桂林三月成功伐同安克之以葉翼雲知縣進攻泉州七月佟國器陳錦李率泰率清軍至鴻逵入潮成功回島使如日本請兵不報已而清軍攻同安守將邱縉林壯猷及翼雲悉死十月帝遣使至島封成功威遠侯三年春帝在肇慶成功募兵銅山三月以施琅楊才黃廷柯宸樞康明張英伐漳浦守將王起鳳降尋下雲霄抵詔安屯分水關清軍力攻宸樞死焉七月封成功爲延平公隨使貢方物率師入潮至碣石衛是年全粵俱奉正朔四年春伐潮陽未能下時兩島爲彩聯所踞其將章雲飛恣肆不道成功密語諸將曰兩島吾家臥榻之側豈容他人鼾睡乃嚴部勒中秋抵廈門遂併聯軍可四萬餘人威稜日振已而殺之彩率所部之南中漁獵數年復之卒於家十一月帝在南寧十二月清軍徇廣州鎮帥杜永和奔瓊州成功謀往接之五年春正月率師而南二月舟次平海衛鴻逵棄揭陽回閩張學聖按泉以馬得功襲廈門鴻逵未至鄭芝莞無設備未戰而潰大學士曾櫻死之鴻逵至攻得功得功不得退使謂鴻逵曰公等家屬皆在

安平脫得功不出恐不利公家鴻遠患之且不虞成功之驟至也逸之四月成功至自平海得功去兩日矣以失律罪殺芝莞芝莞成功從叔也諸將悚懼兵威復振凡六萬餘人鴻遠泊白沙築寨以居左先鋒施琅得罪逃於清是時帝在安隆所五月伐南溪十一月敗清提督楊名高於小營嶺十二月伐漳浦守將楊世德陳堯策降六月春正月帝在安隆所成功攻海澄守將郝文興降遂取長泰中提督甘輝遇清將王進於北溪鏖戰竟日進敗圍之總督陳錦來援復敗之錦走泉州遂破長泰諸邑俱下五月清金衢總兵馬逢知來援突入漳城成功圍之弗下防鎮門山以水灌之堤壞不浸城中食盡枕藉死者十餘萬人七月陳錦軍於鳳山尾其奴章成棟刺之以首來獻成功歎曰僕隸之人而背戕其主是天下無刑也賞其功而終殺之十月清帥金固山援至乃解圍收兵保海澄七年春帝在安隆所五月金固山來攻城壞百餘丈成功親立雉堞左右死者層積指揮自若益治軍既而矢礮雨下成功大呼曰天尙贊吾無落吾軍須臾下息礮碎其座忽一夜空礮遽發成功詐謂諸將曰是將臨城矣勒兵持斧以待曰敵至方砍清軍落濠入郭衆禦之固山霄遁澄守益堅當是時沿海騷俶饑饉不贍以黃愷爲餉鎮

同安縣志

卷之二十七

思明州人物錄五

愷少有才陰事招權成功收而殺之鄭氏軍興以來兵律嚴肅無所淫戮軍行之間婦人孺子至與爭道故民尤愛之八年春清廷以鄭賈二員議和封成功海澄公芝龍同安伯鴻逵奉化伯芝豹左都督成功不從於是寘芝龍於高俎戊芝豹於寧古塔成功不顧十月伐漳州鎮標劉國軒開門降十邑俱下乘勢略泉州屬邑守將韓尙亮力守當是時水陸兵勢熯至風起浸尋衍溢分所部爲七十二鎮改中左所爲思明州以鄧會知州事立儲賢館儲材館察言司賓客司設印局軍器諸局令六官公理國事以壬午舉人潘賡昌爲吏官兼戶官丙戌舉人陳寶鑰爲禮官世職張光啟爲兵官浙人程應璠爲刑官戊子舉人馮澄世爲工官奉監國魯王瀘溪王寧靖王居金門凡諸宗室悉贍給之禮待避亂搢紳王忠孝盧若騰沈佺期辜朝薦徐孚遠紀許國等皆名客也軍國大事時諮問焉凡所便宜封拜輒朝服北向稽首望永歷帝座疏而焚之九年春帝在安隆所正月以林勝伐仙游五月拜定西侯張名振爲元帥忠靖伯陳輝副之以二十四鎮入長江加戶官洪旭爲水師右軍北鎮陳六御爲五軍戎政偕伐舟山克之已而清軍來襲六御死焉台州鎮馬信寧波鎮張宏德均來歸六月墮安平鎮及漳州惠安南安同

安七月使如日本修舊好也十一月清定遠大將軍濟度入閩成功回島十年春帝在安隆所嗣入雲南正月濟度輒侵略沿海三月攻兩島遇風而還四月以蘇茂黃梧伐碣陽不克斬茂以狗梧懼誅以海澄降清重地也甘輝聞亂進攻不勝乃入土城取蓄積歸遂奉成功破閩安逼福州轉略温台等郡浙東俱震十一年春三月帝在雲南鴻遠卒於梧州成功回島尋遣將城福州峽江牛心塔以陳斌林銘杜輝等守之清軍來攻銘輝退斌無援降嗣被殺甘輝周全斌等攻寧德斬滿帥阿克襄一軍大震十二年春正月帝在滇城遣漳平伯周金湯航海至思明晉成功延平郡王甘輝崇明伯張萬禮建安伯黃廷永安伯郝文興慶都伯王季山祥符伯餘各拜爵有差乃議大舉往復南京七月以黃廷爲前提督洪旭爲兵官鄭泰爲戶官留守兩島部署諸將排力士身披鐵畫以朱碧彪文留其兩目執斬馬大力陳於行首但砍馬足號曰鐵人望者以爲神兵左虎衛陳魁統之甲士十七萬習流五萬習馬五千鐵人八千號八十萬戈船八千揚帆北上至浙江克樂清等縣次於羊山爲颶所破飄沒八千餘人幼子睿裕温皆死乃泊滄洲理撤十三年春正月帝在永昌五月師出崇明諸將請先取之不聽六月移吳淞江口

同安縣志

卷之二十七

思明州人物錄六

入江陰七月至焦山祭告天地百神及太祖崇禎隆武諸帝痛哭誓師衆皆感激時清軍已據上流防禦甚堅以鐵鎖橫江謂之滾江龍成功謂諸將曰瓜鎮爲金陵門戶須先取之授諸將機宜令程應璠督右提督馬信前鋒鎮余新等進奪譚家洲礮城又遣材官張亮督善水者盪舟行卽進據瓜州上游燬木城大船由南小舟由北自督親軍及中提督甘輝左鎮提督翁天佑先鋒鎮楊祖建大將旗鼓直擣瓜州清將朱衣祚左雲龍等率滿漢騎兵一萬背港而軍戰方合張亮已斷滾江龍揚帆直進右武衛周全斌率兵帶甲浮水登岸直破其陣斬雲龍於橋下衣祚奔城正兵鎮韓英奪門而入登城樹幟全斌登江介之山以望麾兵疾進陷西北隅以入滿兵盡殲獲衣祚逸之後提督萬禮亦繞瓜州之後潰其餘卒清軍大敗死者不可勝數以援剿左鎮守瓜州監紀推官柯平爲江防命兵部侍郎張煌言督理戎政楊朝棟兵部主事袁起震督阮美及羅蘊章等進取蕪湖遂亂揚子趣鎮江清提督管效忠率雲南之兵數萬分道馳至夜紮銀山以騎兵當大路成功以銀山爲必爭之地奪而據之列陣以待遲明清軍分五道而來三萃鄭壘不動騎射如雨成功令發火礮多鼓鈞聲屋瓦皆震清軍下馬死戰薄午鄭軍益

奮遂大敗之喋血填濠效忠僅以身免明日鎮江守將高謙知府戴可進等來降成功登京峴之山大饗士卒慷慨賦詩命全斌黃昭守鎮江屬邑俱下以張煌言楊朝棟招撫江南袁起震徐長春招撫江北於是常州徽州池州太平滁和六合等府豪傑多起兵應清廷大恐議援兵甘輝進曰瓜鎮爲南北咽喉但坐鎮此斷瓜州則山東之師不下據北固則兩浙之路不通南都可不勞而定矣不聽率師登州逕取南京傳檄四方八月至觀音門以黃安總督水師守三义河口率所部由鳳儀門登岸軍於獅子山招諸將登閱江樓以望建業王氣令諸州列於江東門外自率十餘騎躬歷城下度營壘分屯漢西門觀音山獨與五親軍駐岳廟山留先鋒鎮中衝鎮於獅子山欲久困之南京守將梁化鳳約期降許之甘輝諫曰以臣觀之則尙速也夫兵貴先聲彼衆我寡及其燿且未定則勢可拔若彼集禦固緩難圖也君必悔之不聽既而清軍以千騎試前鋒營余新敗之遂輕敵無備縱軍捕魚成功令張英馳讓之新猶故化鳳知其弛由鳳儀門穴城乘夜啣枚直薄新營不及甲倉皇拒戰遂被禽副將董延中蕭拱桂死焉成功聞鳳儀門礮聲遣翁天佑援之已無及矣越二日清軍以步卒數千出觀音門直擣中堅成功率

同安縣志

卷之二十七

思明州人物錄七

親軍右虎衛陳鵬右衝鋒張萬祿擊敗之清軍復以數萬從山後出薄左先鋒營楊祖拒之三合三却後勁鎮楊正援剿右鎮姚國泰敗走前衝鋒鎮藍衍行軍司馬張英死於堪岩之下清軍從山上而擊右武衛林勝左虎衛陳魁俱力戰死後提督張萬禮獨戰於大橋頭殺人最多無援而覆副將魏標樸世用洪復督理戶官潘賡鍾儀衛等皆戰沒唯左右提督右虎衛右衝鋒援剿後鎮之軍獨全成功麾軍退爭舟而渡甘輝殿且戰且却至江騎能屬者三十餘人凡所擊殺數百十人馬躡被獲死焉成功既至鎮江議還島以馬信韓英督舟師守江口周全斌黃昭吳豪爲殿餘軍次第而退九月攻崇明不下正兵鎮王起鳳陣沒以陳輝阮美羅蘊章等守舟山劉猷與清軍戰於温州敗績死之十月師至思明建忠臣祠以甘輝爲首十四年春帝在緬甸五月清廷以將軍達素總督李率泰會師來伐大船出漳州小船出同安檄廣東降將許隆蘇利等分道而至成功以陳鵬督諸部守高崎遏同安鄭泰出浯州絕廣東而自勒諸部扼海門海門在海澄之口命五府陳堯策傳令諸將碇海中流按軍不動揚徽而鼓令未畢漳船猝至諸將倉卒受命莫敢先發閩安侯周瑞爲清軍所乘與堯策俱死陳輝舉火滿兵高躍船乃

得出既得上流成功自手旗起師引巨艦橫擊之風吼濤立一海皆動北人不諳水皆退眩暈而不軍僵屍布海有滿兵二百餘人棄舟登圭嶼命之降宵溺之是日同安船趣高崎陳鵬約降飭所部勿動清軍恃應船未近涉水爭先其將陳蟒不與謀曰事急矣當決死麾所屬與殿兵鎮陳章合擊清兵披甲退陷淖死者十七八首領哈喇土星止焉殺滿兵一千六百餘人收輝戮之以蟒代蘇利等後二日至知諸路告岌望太武山而還素自殺於福州於是竟成功之世無敢議覆島者十五年春帝在緬甸成功議取臺灣克之十二月以熱蘭遮城爲安平鎮改名王城建桔栳門志故土也赤嵌城爲承天府總曰東都設府一縣二以楊朝棟爲承天府尹祝敬爲天興知縣莊之列爲萬年知縣澎湖別設安撫司各戍重兵以周全斌總督南北諸路已而楊朝棟祝敬有罪殺之以鄭省英爲府尹黃安守安平率何斌馬信楊祥蕭拱辰等帶銃手三百牌手三百弓手三百巡視番社錫以烟布番僧大說率衆歸誠聽約束既歸大會諸鎮成功曰爲治之道在於足食足食之後乃可足兵今賴皇天之靈諸將之力克有茲土豈敢爲宴安之計然而食之者衆作之者寡倘一日匱餉師不宿飽則難以固邦家今臺灣土厚泉甘膏壤

同安縣志

卷之二十七

思明州人物錄八

未闢當用寓兵於農之法庶可以足食而後足兵然後觀時而動以謀光復也黃安曰開疆闢土創業萬世諸將自當遵行但其法何如願垂明教成功曰夫法古者可以制宜明時者可以圖治古者量入受田量地取賦至商雖變爲井田亦行九一之法周代因之鄉出師徒里出車馬兵民無分及秦始廢井田後代不改故兵自爲兵民自爲民籌餉轉輸屢爲國患故善爲將者不得行屯兵之法如充國之屯羌中諸葛之屯斜谷姜維之屯漢中杜預之屯襄陽而後戰無乏糧守無饑色若夫元代之分地立法太祖之設衛安軍乃天下已平恐虛糜空乏故爲農者七爲兵者三非無故也今臺灣爲新創之地雖僻處海濱安敢忘戰故行屯田之法僅留勇衛侍衛二旅以守安平承天餘鎮各按分地分赴南北開墾使野無曠土而軍有餘糧三年之後乃定賦稅農隙之時訓以武事俾無廢弛有事則執戈以戰無事則負耒而耕而後可以圖長治也諸將皆聽命而行於是五軍果毅各鎮赴曾文溪之北前鋒後勁左衝各鎮赴行溪之南各擇地屯兵插竹爲社斬茅爲屋而養軍無患十六年春正月朔成功朝諸將於安平鎮遙拜帝座嗣聞清人棄芝龍於北京子孫皆被害擗踊哭泣令諸鎮守喪先是清人從降將黃梧之

策遷山東江浙閩粵沿海居民盡入內地禁出海以絕接濟并毀鄭氏祖墳成功聞之歎曰使吾徇諸將意不自斷東征得一塊土英雄無用武之地矣沿海幅員上下數千里盡委而棄之使田廬坵墟墳墓無主寡婦孤兒望哭天末唯吾之故以今雖披猖亦復何用但當收拾殘民移我東土闢地休兵養精蓄銳以待天下之清未晚也當是時帝在滇城或曰殺矣或曰幽矣或曰遁矣成功猶奉朔稱永歷成功治軍嚴諸鎮莫敢犯馬信諫曰立國之初宜用寬典成功曰不然法貴於嚴庶無積弊後之守者自爲易治是故子產治鄭孔明治蜀莫不用嚴況臺灣爲新創之地非嚴無以治軍非嚴無以統衆唯在制宜而已三月以洪開祁闢等十人管社事命諸將各移眷入臺南澳鎮陳豹不從討之以杜輝留守初羅馬神甫西人苛待諸將議取呂宋爲外府成功使李科羅至馬尼拉說呂宋總督入貢而陰檄僑起事將以舟師援之事洩西人戒嚴集兵馬尼拉毀城裂砦以防竊踞而華人已起矣鏖戰數日夜終不敵死者數萬人或駕小舟至臺灣多溺死成功撫之而呂宋仍假擾又慮鄭師往討乃命使者隨李科羅乞和諸將欲問罪未出師

同安縣志

卷之二十七

思明州人物錄九

而成功病革矣成功有子十人世子經年十九居廈門與乳媪通生子以聞成功大怒令董昱洪有鼎至廈諭鄭泰監殺經及董夫人以教子不嚴也諸部大驚又聞成功病謀全之謂經子也不可拒父諸部臣也不可拒君唯泰於成功爲兄均謂兄可拒弟乃殺乳媪及兒以報成功不肯解佩劍與昱命再至廈適周全斌自南澳回亦奉命諸將誘執之夏五月初八日成功病革尙登臺望海乃冠帶請太祖訓出坐胡床命左右進酒折閱三帙歎曰吾有何面目見先帝於地下哉遂薨於路寢年三十有九臺人以其弟襲爲護理十四日訃至經嗣位發喪修表達行在聞襲將爲東都主經駭然乃出全斌爲五軍都督陳永華爲諮議參軍馮錫範爲侍衛整師欲東秋七月清靖南王耿繼茂閩浙總督李率泰遣人來講經不從泰等請經曰吾將東諸君善圖之議照朝鮮事例派中軍都督楊來嘉答之不報來嘉還以忠振伯洪旭永安侯黃廷輔泰守廈門并諭銅山南澳諸將毋廢戰守率全斌巡視南北路鎮撫諸番十七年正月滇城訃至經猶奉朔稱永歷率全斌永華錫範至廈門十月清李率泰合荷蘭出泉州馮得功出同安降將施琅黃浯出漳州分道並進經令全斌禦之殫得功已而耿李各濟師琅浯亦至鄭師不

敵退守銅山清軍入金廈墮兩城棄其地兩島之地爛焉二十年以江勝爲水師一鎮駐廈門時厦爲陳白骨水牛忠所據勝與邱輝破之二十四年經以厦門銅山諸島隸臺灣二十八年耿精忠據福建使黃鏞入臺請濟師五月經同侍衛馮錫範等渡海駐思明三十年清兵入閩提督吳淑戰敗還厦門三十一年鄭師仍守兩島三十二年清師大集國軒吳淑大破之七月大戰龍虎山鄭師敗績三十四年清水師提督萬正色大舉伐思明經歸臺灣三十五年薨克塽嗣三十八年清軍入臺明朔亡

思明州人物類錄

沈宸荃字友蓀慈谿人嘗親炙黃道周之門登崇禎十三年進士授行人魯王監國從王泛海累擢東閣大學士抵中左所轉徙金門後艤舟南日山遭風沒於海明史

舊志

涂伯案字虞卿弟仲吉字德公漳州鎮海衛人通政一榛子也甲申變聞兄弟謀舉勤王師當事者不之許迨隆武退守閩中閩事敗仲吉祝髮於厦門鬱鬱嘔血卒伯案乃棲止於文山之陽蒐羅舊聞詳具君臣行事本末既而所著書悉燬於火

同安縣志

卷之二十七

思明州人物錄十

迫遷界流寓吳興晚客死浦城寧化李世熊表其墓

明遺民錄通志異人集

陳士京字齊木浙江人明進士官給事中隨魯王泛海入閩居邑之鼓浪嶼卒著有

來詩復書

舊志列寓賢

姚翼明字興公浙江人官兵科給事中明亡起義海昌事敗遁已隨魯王泛海入閩授兵部執事僦居厦門東嶽廟爨火屢空充然自得旋入洪濟寺爲僧著有南行

草

舊志列寓賢節紀許國南行草序明遺民錄

張正聲字長正惠安人崇禎甲戌進士以推官歷陞職方郎中李自成陷北京爲賊執榜掠拘囚及賊走家人理其瘡痍護以南歸散財起義不克遯跡厦門卒登忠

臣錄

泉州府志厦門志明遺民錄

林蘭友字翰荃號自芳仙遊人崇禎辛未進士知臨桂縣宗室貴戚爲斂迹行取南京御史連疏劾輔臣張至發薛國觀冢臣田維嘉樞臣楊嗣昌負國之罪忤旨禍且不測詹事黃道周翰林劉同升趙士春給事何同楷交章論救謫浙江按察司照磨時稱長安五諫久之起功員外郎北都陷賊繫羣臣令降者立紅幟下不降者立青幟下蘭友竟立青幟下賊暴之烈日中有道士投以濡帕嚙之得不死

隆武時起太僕少卿晉兵部尙書右副都御史督師泉漳旋奉老親遁廈門羈窮

飄泊凡十五載卒明史仙游志遺民錄

許璟字得璟莆田人崇禎戊辰進士由南昌推官歷升湖廣參議明亡依朱成功卒

於廈通志東平紀略明遺民錄

謝元忭字途野潮州人崇禎癸未進士永歷時官兵部給事中後祝髮於廈門爲僧

東平紀錄

曾櫻字仲含號二雲臨江人萬歷丙辰進士居官廉潔似海忠介歷任至工部侍郎

巡撫山東乙酉以工部尙書召入閩旋掌吏部主銓事進宮保兼文淵閣大學士

唐王敗避居金門轉徙鷺島辛卯島破城將陷家人請登舟公曰此一塊清淨地

正吾死所豈復泛海求活耶遂自經舊志寓賢

陳泰字降人銅陵人鎮海衛諸生每試輒冠其曹鷺門閣部曾櫻試儲賢館援置第

二人及島破曾死難泰匍匐負骸走三十里付其家人登舟以殯歸不食三日卒

其甥葬之江上舊志寓賢

諸葛倬字士年晉江貢生隆武時薦授翰林院待詔加御史監軍監鄭鴻達出浙東

同安縣志

卷之二十七

思明州人物錄十一

聞變移居兩島依鄭成功永歷帝進光祿寺卿有降臣某書招之謂幡然肯來監

司可立致且忱以危語倬復書謂聖主隆唐虞之德小臣守箕山之操代有其人

新朝政尙寬大須彌大千何問微塵必欲相強便當刳胸着地勿問是肝是肉矣

某得書惘然知其志堅自是一意著述有集二十卷藏於家後卒臺灣二子潞晃

俱能詩府志海紀

許吉潒晉江人崇禎癸未進士由知縣擢刑部主事鼎革後隱廈後隱臺勵節以終

同時在廈者林其昌己卯舉人黃維璟潘賡鍾俱壬午舉人馮澄世隆武丙戌舉

人俱泉州人明遺民錄東平紀錄

王忠孝字長孺號愧兩惠安人崇禎戊辰進士授戶部主事轉薊州餉忤內監鄭希

詔緹騎逮治故事緹騎所至不饜慾則楚毒隨之忠孝不能具一餐校以其廉且

冤之京師相傳爲異事入獄詞不撓廷杖遣戍御史王志道疏救得釋甲申聞變

哭嘔血舉義興化宏光時授紹興知府隆武元年召見陳光復策帝大喜擢光祿

寺少卿遷兵部左侍郎總督軍務賜尙方劍閩事壞依朱成功於廈門與辜朝薦

沈佺期盧若騰均爲座上客軍國大事時詢問焉永歷帝命兼太常寺卿以道阻

不能赴感泣居廈門曾厝按十三年復從往東寧崎嶇冒險矢志不移尋徙浯賢

聚村復徙後豐港康熙三年渡臺肆意詩酒翩然方外居四年卒泉府志臺府志海紀明遺民錄

徐孚遠字聞公華亭人崇禎壬午舉於鄉故太師階之支孫也與同里夏允彝陳子

龍何剛以經濟學有聲幾社中以寇禍急求健兒俠客聯絡部署爲勤王之備及

子龍任紹興推官孚遠引東陽許都見之使其募勇殺賊既而東陽激變事起子

龍單騎入都營許以不死招之降大吏持不可竟殺都孚遠貽書子龍曰彼以吾

故始降今負之天下誰交子龍哉以故子龍以功遷給事中而力持不赴宏光時

馬阮亂政杜門不出南都亡贊夏允彝起兵之閩授福州推官道信州謁黃道周

極力疏薦已而張肯堂亦薦進兵科給事中唐王亡浮海入浙浙潰會魯監國再

出師孚遠周旋義旅間欲協和其事而悍帥如鄭彩周瑞輩咸勿聽乃返浙東入

蛟關結寨於定海之柴樓比監國入舟山孚遠入朝以勸輸充貢賦遷左僉都御

史辛卯舟山破監國復入閩孚遠航海從之是時朱成功啟疆禮士雄冠諸島老

成耆德之避地者咸往歸之孚遠領袖其間以忠義相鏖厲成功娓娓聽終夕不

倦有大事輒諮而後行嘗自歎曰司馬相如入夜郎教盛此平世事也以吾亡國

同安縣志

卷之二十七

思明州人物錄十二

大夫當之傷如之何戊戌滇中遣漳平伯周金陽進勛爵遷孚遠爲左副都御史

是冬隨金陽入覲失道安南安南王要以臣禮乃大罵或曰將以相公乃愈罵安

南王歎曰忠臣也厚資之卒完節歸明年成功敗於江寧還師臺灣未幾卒孚遠

無復望浮沈島上與葉后詔鄭郊輩結方外七友癸卯清兵破廈門孚遠將還華

亭不果入潮州饒平山提督吳六奇匿之完髮以死著有鈞璜堂書海外生一子

扶櫬至松江未葬子亦死

南疆釋史荆皖逸史交行摘稿府縣志廈門志明遺民錄合參

按周凱廈門志謂聞公傳見於各書詳略互異明史謂因松江破遁入海死島

中泉州府志謂其居廈之曾厝按卒福建通志本龍溪縣志謂游龍溪後不知

所終南疆釋史則謂其歿於臺灣鷺江志亦言自去江滌栖星槎幾二十年垂

老適臺灣挈家佃於新港躬耕沒世縣志因之考臺灣郡邑流寓無聞公傳疑

當時未嘗渡臺野乘謂康熙癸卯島破諸縉紳多東渡獨聞公歸華亭亦屬附

會藝海珠塵編聞公交行摘稿後附林霍王溥所撰二傳言癸卯之變擬歸故

鄉不果轉徙入潮之饒平山中以沒其稱說年月及死狀甚悉霍溥同時人見

聞較確證之荆駝逸史及明遺民錄皆合考臺灣通史徐聞公傳言其居臺生

一子則廈門志之疑其未嘗渡臺非也康熙癸卯即永歷十七年清兵破思明孚遠遁入繞平山中完髮死則當時奔走國事由浙而閩而臺而廈而潮始盡節死當無疑義從林王傳及遺民錄臺灣通史似較的確

張煌言字元箸號蒼水鄞縣人崇禎壬午舉人錢肅樂集師遣至天台迎魯王監國紹興監國敗率殘兵數百飄蕩海上師潰與富平將軍張名振扈監國入閩又與名振搗吳淞舟山城破扈監國再入閩鄭成功招至思明表爲兵部左侍郎時成功兵強於監國修寓公之禮惟煌言以名振軍爲衛嘗曰招討始終爲唐真純臣也成功亦曰侍郎始終爲魯與吾豈異趣哉與參軍羅子木徘徊兩島間日從紀許國諸公游唱歌酬答許國贈詩如十年栖海風濤遍一念酬君鐵石知淵明常愛籬邊菊杜甫空悲亂後官煌言讀之淚下後招軍天台會名振之師趨丹陽永歷十四年成功北伐至金陵謂煌言曰蕪湖爲上游門戶倘留都不旦夕下則江楚之援日至控扼要害非先生不可煌言率師至蕪湖馳檄都邑江南北來附復四府三州二十一縣未幾鄭師敗煌言走銅陵與楚師遇兵潰變姓名從建德祁門山中出走天台復樹纛招集流亡永明王遙拜兵部尙書辛丑復入閩成功已

同安縣志

卷之二十七

思明州人物錄 十三

抵澎湖東都初建軍旅未精煌言見王無西意爲詩刺之曰中原方逐鹿何暇問虹梁又曰只恐幼安肥遯老藜床皂帽亦徒然成功但一笑而已無何成功卒煌言大慟曰已矣吾無望矣復間關江淞至杭州西湖覓山僻隱圖起兵爲杭州吏所偵與健僕楊貫玉愛將羅自牧同被執烏衣葛巾不言不食啜水而已臨刑立而受刃索紙筆賦絕命詞三首時永歷十八年中秋日也年四十五

南臺釋史異人集臺灣通史

任穎眉在魯監國時以職方郎中監督師熊汝霖軍從監海航海定西侯張名振嘗舟過昌國衛守城兵以礮擊之中名振臥床名振怒曰叛軍無禮乃爾耶襲破之擄城中婦女二百八十有奇將賞給南田軍士穎眉自舟山至具以告穎眉力爭之竟日與名振大競僚佐勸止之明晨名振迎入帳抗論如前乃禮謝之婦女得放還辛卯八月舟山陷突圍得脫從監國終於廈門

明遺民錄

任廷貴明太常寺卿從魯監國於舟山辛卯清兵破舟山監國航海廷貴從焉自廈門奉命北上舟覆北菱洋以僧遜貽絕命詩曰還將不二證西歸未遂黃冠卽納衣力任四千餘載重癡擔六十七年非翩翩野鶴隨雲適點點寒梅鬪雪霏夢破

瞿然成大覺澄潭明月自相依

明遺民錄

陳駿音黃道周弟子隆武時官中書舍人道周師次明堂里自忖必敗出所著書界駿音閒道持歸寓客邸火燼焉每語及輒痛哭後依鄭氏於廈門授吏官都事鄭經之與耿精忠敗監也駿音謂隳兩國之好失同仇之義致前門拒虎者灰心雍髮悔何可追今惟遣將倍道出邵武攻南臺親督六軍臨江督戰庶可冀成效若優游歲月恐禍不遠矣馮錫範詆爲老諄出爲銅山安撫司鄭氏族亡駿音遁粵之韓江年八十餘卒

廈門志明遺民錄

沈光文字文開一字斯菴鄞人由副貢入太學乙酉豫於畫江之師授太常博士丙辰再豫琅江軍務晉工部侍郎戊子聞閩師潰往肇慶遷太僕卿辛卯由潮陽航海至金門閩督李率泰方招徠遣臣密遣招之光文焚其書返其幣時粵事不可支光文遂留閩思卜居於泉屬之海口浮家泛宅忽颶風大作舟人失維飄泊至臺灣時鄭成功尙未至而臺灣爲荷蘭所據光文從之受廩以居極旅人之困弗恤也辛丑鄭成功克臺灣知光文在大喜以客禮見時海上諸遺老多依成功入臺灣亦以得見光文爲喜握手相勞苦成功令麾下致餼且以田宅贍之亡何成功卒子錦嗣頗改父之臣與政光文作賦有所諷被讒幾不測變服爲浮屠結茅

同安縣志

卷之二十七

思明州人物錄十四

羅漢門山下以居得免山旁有伽溜灣者番社也光文於其間教授生徒歎曰吾廿載飄零絕島棄墳墓不顧者不過欲完髮以見先皇帝於地下耳而卒不克命也夫已而錦卒諸鄭禮如故時耆宿已盡而寓公漸集乃與韓文琦王際慧等結詩社海東文獻推爲初祖所著有花木雜記東海賦檮花賦古今體詩凡十

卷

通志臺灣志金門志明遺民錄合參

程應璠浙江人陳瑞龍湖廣人並以武進士歷官都督浮海至廈門與徐孚遠諸人游紀許國詩云勳追盛世麒麟閣人是深山布褐翁殆有湖上騎驢風後瑞龍卒於廈應璠不知所終

異人集東平紀略明遺民錄

萬年英字靜齋黃州人官台州通判隆武帝登極詔至魯諸臣不用命年英獨言此時不宜異議上聞而嘉之擢兵部主事閩變遁跡廈門永歷帝召復故官癸巳復奉命至島左圖右史盈室皆書每想謝皋羽爲人與徐孚遠紀文疇遊後不知所

終

東平紀略異人集明遺民錄

劉子葵惠安人惠安義師之役子葵襄其事索之急削髮入廈門爲僧復謁永歷帝於肇慶擢龍川知縣總兵黃應杰叛子葵扼關使不得北向惠屬諸邑賴以全標

將某屯龍川稍侵擾百姓子葵裁以義某遂讒之巡撫子葵曰吾爲國耳豈戀一官哉卽日解組去與王簡伯遜潮之深山久之復同至廈門與紀許國定交尋復

南行許國均爲文送之

石青遺藁
明遺民錄

陳昆亨官錦衣衛扈隆武帝西行汀州之變奔廈門爲僧年八十有奇

東平紀略
明遺民錄

黃事忠字臣以官兵部職方司嘗崎嶇閩粵起義兵母妻被殺避居廈門戊戌冬偕

御史徐孚遠都督張自新奉使赴滇失道安南與國王爭禮後西旋紀許國敘送

之交行摘錄石青遺藁明遺民錄

吳鍾巒字峻伯號穉山武進人崇禎庚辰進士負氣節補桂林推官甲申聞變絕而

復蘇入閩事唐王擢廣東副使閩亡遜跡海濱嘗憤士大夫多失節因作十願齋

說寄意魯王至中左所入謁起拜禮部尙書尋從王至浙舟山師潰復渡海入城

與張肯堂訣作絕命詞自焚死年七十有五

南臺釋史以下
珣甫補

鄭道謙字履恭會稽諸生僉事之尹子素好客凡扛鼎擊劍之徒日盈其庭潞王以

杭州降乃集徒號義興軍擐旂殺紹興府張慄取庫中兵仗聲勢大振與督師張

國維迎魯王監國紹興官中軍都督府左都督討義興伯江上潰攜資挾妾從王

同安縣志

卷之二十七

思明州人物錄十五

泛海至廈門崎嶇島澳數載爲鄭彩所害妾全氏死節

南臺釋史

鄭道儉會稽人通政司副使從魯監國寓廈門抗節死

南臺釋史

路振飛字見白曲周人天啟乙丑進士崇禎初授御史以忤溫體仁謫河南按察使

司檢校福王立馬士英遣田仰代之歸寓蘇州唐王起爲吏部尙書文淵閣大學

士仙霞關兵至唐王走汀州振飛追赴不及走安平鎮丁亥誤聞唐王在粵同萬

年英從海就之舟次虎門始知乃王弟韋鏞故相蘇觀生等共立建號紹武已敗

遂不敢前返廈門後赴永明王召卒於途

明史東平紀略釋史撫遺

曾世袁字長修興化平海衛人尙書楚卿子天啟甲子舉人戊子破產集師兵潰遜

居嘉禾吟咏感懷繼以涕淚尋憂憤卒所著有海山集

紀許國海山集

周金湯字憲洙莆田人好孫吳兵法崇禎庚辰以武經成進士卽慨然以身許國訣

妻子謁選得上湖守備累著戰功永明王時開鎮進爵丁酉從桂林航海來廈與

紀石青輩盤桓吟咏幾兩載後死節於粵

通志石青遺藁

黃驥陞字陟甫尙書道周從姪舉天啟四年鄉試流賊亂匿跡不仕與同里林蘭友

抗賊南旋相率入島偕徐孚遠諸人放浪憑弔以卒

通志

洪思字阿士龍溪人年方舞勺隨其父游黃道周門卽爲所器道周歿逃於敬身山不入城市日以詩歌自放時買舟過江東登鄴山撫石齋墓哭而去同門友紀許國結茅吳庄溯洄從之虎溪夜月相對忘言晚復入山卒

通志參
異人集

張若化字兩玉號蒼巒漳浦人師事黃道周崇禎丙子舉於鄉道周以言事下北寺獄若化適在京師微服雜廝役中進獄左右之燕都陷唐王入關徵拜御史乞歸與弟若仲簔衣竹冠往來島上後退隱丹山事父母以志養食貧茹苦山居四十年足不及城市未嘗以姓名通有司守義疾惡慄不可犯雖骨肉至親不少假值兵荒盜賊蠡起羣相戒以勿犯張公廬終其身盜不入境丹山巉巖阻絕日夕雲霧往來雖豺虎交橫而時曳杖登陟泉石徜徉嘯歌自得年六十六正襟危坐無疾而終

通志漳州府
志異人集

同安縣志

卷之二十七

思明州人物錄
十六